



Broj: 02-11-898/23-AP-6
Datum: 18.04.2023. godine

Na osnovu člana 68. stav i) i člana 69. stav d) Zakona o javnim nabavkama („Službeni glasnik BiH“, broj: 39/14 i 59/22), člana 29. Stav 1. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Općine Zavidovići“, broj: 4/2021 i 5/2021) i člana 12. Privremene statutarne Odluke Grada Zavidovići («Službeni glasnik općine Zavidovići», broj: 4/22), u predmetu dodjele ugovora o javnoj nabavci usluga „Održavanje semafora na području Grada Zavidovići za 2023. godinu“, Gradonačelnik donosi

ODLUKU

Postupak javne nabavke člana 12. Privremene statutarne Odluke Grada Zavidovići («Službeni glasnik općine Zavidovići», broj: 4/22), u predmetu dodjele ugovora o javnoj nabavci usluga „Održavanje semafora na području Grada Zavidovići za 2023. godinu“, pokrenut donošenjem Odluke broj 02-11-898/23-AP-2 od 05.04.2023. godine putem direktnog sporazuma u skladu sa članom 90. Zakona o javnim nabavkama, poništava se.

O b r a z l o ž e n j e

Grad Zavidovići donio je Odluku broj: 02-11-898/23-AP-2 od 05.04.2023. godine kojom je pokrenut postupak dodjele ugovora o javnoj nabavci usluga „Održavanje semafora na području Grada Zavidovići za 2023. godinu“ putem direktnog sporazuma u skladu sa članom 90. Zakona o javnim nabavkama Bosne i Hercegovine („Službeni glasnik Bosne i Hercegovine, broj: 39/14 i 59/22).

Poziv za dostavu ponude dostavljen je ponuđaču:

1. „Telefonija Vidaković“ d.o.o. Doboj

Na adresu Grada Zavidovići do krajnjeg roka 13.04.2023. godine do 12.00 sati, dostavljena je ponuda od strane ponuđača „Telefonija Vidaković“ d.o.o. Doboj podnesena 13.04.2023. godine u 09,10 sati.

Služba za upravu finansija, budžet i trezor izvršila je otvaranje ponude dana 18.04.2023. godine u 09,40 sati u kancelariji 322, treći sprat zgrade organa uprave Grada Zavidovići, o čemu je sačinjen zapisnik sa otvaranja ponude.

Nakon otvaranja ponude i utvrđivanja sadržaja utvrđeno je da je ponuda Privrednog društva „Telefonija Vidaković“ d.o.o. Doboj formalno ispravna i tehnički zadovoljavajuća jer sadrži sve priloge tražene pozivom za dostavu ponude broj 02-11-898/23-AP-3 od 05.04.2023. godine, te se pristupilo njenoj ocjeni.

Ponuđač „Telefonija Vidaković“ d.o.o. Doboj je u ponudi dostavio obrazac za cijenu ponude za nabavku predmetnih usluga ove javne nabavke u kome je navedeno da je cijena ponude sa uračunatim PDV-om 6.844,50 KM. Cijena ponude nije data u granicama izvršene procjene vrijednosti predmetne nabavke, te se ne može smatrati prihvatljivom ponudom.

Ponuda ponuđača „Telefonija Vidaković“ d.o.o. Doboj je od strane Službe za upravu finansija, budžet i trezor ocjenjena neprihvatljivom iz razloga što cijena ponude ponuđača prelazi planirana, odnosno osigurana novčana sredstva ugovornog organa za nabavku.

Članom 2., tačka 1.), alineja 2) Zakona o javnim nabavkama („Službeni glasnik BiH“, br. 39/14 i 59/22) određeno je sljedeće:

„Ponuda je dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji. Ponuda može biti:

2) neprihvatljiva - čija cijena prelazi planirana, odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterije za kvalifikaciju privrednog subjekta“.

Imajući u vidu navedeno, ponuda ponuđača „Telefonija Vidaković“ d.o.o. Doboj se smatra neprihvatljivom i ista se odbacuje kao neprihvatljiva u skladu sa članom 68. stav (4) tačka j), a vezano za član 2. tačka 1) , alineja 2) Zakona o javnim nabavkama („Službeni glasnik BiH“, br. 39/14 i 59/22).

Članom 69. Zakona o javnim nabavkama („Službeni glasnik BiH“, broj: 39/14 i 59/22), propisano je da se postupak javne nabave može se okončati: a) zaključenjem ugovora o javnoj nabavi ili okvirnog sporazuma ili b) poništenjem postupka javne nabave.

U stavu istog člana Zakona o javnim nabavkama propisano je da je ugovorni organ obavezan poništiti postupak javne nabavke u slučajevima kad: a) nije dostavljena nijedna ponuda u određenom krajnjem roku; b) nije dostavljen nijedan zahtjev za sudjelovanje u ograničenom postupku, u pregovaračkom postupku s ili bez objavljivanja obavijesti ili u takmičarskom dijalogu; c) nije dostavljen broj ponuda određen u članu 32. stav (4) ovoga Zakona, ako je bilo predviđeno zaključenje okvirnog sporazuma; d) nijedna od primljenih ponuda nije prihvatljiva; e) cijene svih prihvatljivih ponuda su znatno veće od osiguranih sredstava za predmetnu nabavku.

Cijeneći pravilnost provedenog postupka dodjele ugovora o javnoj nabavci usluga „Održavanje semafora na području Grada Zavidovići za 2023. godinu“, odlučeno je kao u dispozitivu ove Odluke.

Dostavljeno:

1. „Telefonija Vidaković“ d.o.o. Doboj
2. Služba za upravu privrede, lokalni razvoj, infrastrukturu i međunarodnu saradnju
3. Služba upravu finansija, budžet i trezor
4. U spis

GRADONAČELNIK

doc. dr. Hašim Mujanović

Obradio/la: _____
(Anel Skelčić)

Kontrolisao: _____
(Midhat Bajramović)

